

華東史地文獻 第四十三卷

中國華東文獻叢書



中國華東文獻叢書·第三輯

華東史地文獻

第四十三卷

甘肅省古籍文獻整理編譯中心
中國華東文獻叢書編輯委員會
編

本卷目錄

漁洋山人自撰年譜	〔清〕王士禎撰 惠棟注補	〇〇三
山東武義士興學始末記	〔清〕山東提學司輯	〇三九
王考功年譜	〔清〕王士禎撰	〇七七
五蓮山志	〔清〕釋海霆編集	一六五
齊乘	〔元〕于欽撰	二二三
岱覽	一 〔清〕唐仲冕撰	三五七

【清】王士禎撰 惠棟注補

漁洋山人自撰年譜

〔清〕《漁洋山人自撰年譜二卷》。清王士禎撰，惠棟註補，乾隆惠氏紅豆齋刻本。白口，單魚尾，雙欄。半葉十行，行二十、二十一字。書口下方題有『紅豆齋』。

王士禎，又名士禎，字子真，又字貽上，號阮亭，又號漁洋山人，謚文簡。生於崇禎七年（公元一六三四年），卒於康熙五十年（公元一七一一年），山東新城（今山東省淄博市）人。順治十五年（公元一六五八年）進士，歷官揚州推官、禮部員外郎、翰林院侍講、刑部尚書等。有著作《帶經堂集》、詩選《漁洋精華錄》、詩話《漁洋詩話》、筆記《池北偶談》、《古夫於亭雜錄》、《香祖筆記》等傳世。惠棟，字定宇，號松崖，江蘇吳縣（今江蘇省蘇州市）人，生於康熙三十六年（公元一六九七年），卒於乾隆二十三年（公元一七五八年）。其學沿顧炎武一生治經以漢儒爲宗。

漁洋山人自撰年譜卷上

小門生東吳惠棟定字註補

同學諸子參

山人名士禎姓王氏字子真一字貽上號阮亭青州諸

人伯註即今諸城

始諱諱貴遷濟南新城著籍焉稱瑯琊公

公居諸城古瑯琊地也當元末白一作花馬軍亂公祖

擊之殺一賊度不能抗乃避居新城之曹邨爲某大

姓傭作一日大風晦冥有一女子從空而墮良久既

霽公於塵垓中得之云卽諸城縣初氏女也晨起取

漁洋山人年譜卷上 一 紅豆齋

火不覺至此時公方鰥居女子年十八九主人以爲

天作之合遂令諸伉儷焉三世至穎川公而讀書仕

宦四世至太僕公始大其門二百年來科甲蟬連不

絕皆初夫人所出也初夫人事載見瑯琊公之裔孫

居漫錄謝在杭五雜俎諸書如

二世祖諱伍有善行稱善人公

瑯琊公五子善人最少性醇謹事父母諸兄皆得其

歡心尤好施予歲時勤力治家人產計口給食餘悉

以賑鄉里貧乏者門前植槐一株枝葉扶疎時作糜

哺餒者于其下諸餓者以次受糜紡其笠于槐繫繫

如也鄉人呼之曰王菩薩而稱其家曰大槐王氏善

人旣多隱德嘗夢神人以冠簪笏囊分布槐枝之上

顧曰以報汝識者以是卜其後之必大也

三世祖諱麟明經官穎川王府教授稱穎川公

穎川爲善人次子生而警穎強記于書無所不觀受

詩于畢文義十四補博士弟子員每試輒冠其羣

數困棘闈隨例應里選官永平郡司訓勸學興行爲

多士式久之遷諭鹿邑廣勵功令知校永時士風丕

變最後遷敎授穎川王府旣至疾作浹歲而卒志傳

稱公內廉行修人倫醇備事大父瑯琊公至孝遇諸

漁洋山人年譜卷上 二 紅豆齋

兄弟門以內蒸蒸如也蓋自公以毛詩起家接武列

卿御史尚書郎祕苑方岳郡邑長吏皆名臣膺仕布

列中外人皆謂善人之食報于茲乃驗矣

高祖諱重光明嘉靖辛丑進士歷官貴州按察使叅議

歿於王事贈太僕寺少卿諭葬祭稱忠勤公

公字廷宣嘉靖丁酉舉於鄉辛丑成進士授工部主

事理徐州洪穎川公卒哀毀如禮服闋除戶部權稅

九江廉弊資除豪猾省乾沒及期歲省國漕數百石

當事以其能晉秩僉事守雲中強直奉法軍民賴之

尋晉叅議守上谷條上各機宜十二事悉中窺要以

忤當事意調貴陽時赤木黑白契蠻叛川貴戒嚴丁已肅皇新三殿求大木取辦貴竹諸弊爲梗公至以便宜往撫平之蠻人感其德爭以所知異木走報公公采入其阻衝風瘴癘勤事以死事聞特加恩卹賜祭葬壬戌秋三殿告成以公前績卹贈太僕寺少卿公性孝友爲潁川公次子方配而母沈安人亡三事繼母常岳廬如所生兩弟早夭撫其遺孤不殊已子居鄉恂恂退讓君子也歟歷中外遇事慷慨不避艱險及卒無一語及家事世廟論祭文有忠勤報國之褒故稱忠勤公焉

漁洋山人年譜 卷上

三 紅豆齋

曾祖諱之垣嘉靖壬戌進士歷官戶部左侍郎贈本部尚書自潁川已下以太師公象乾貴俱贈少師兼太子太師兵部尚書

公字爾式里人稱見峯先生太僕公次子少能文章未冠補邑諸生戊午舉鄉試壬戌成進士授荊州府推官多所平反隆慶丁卯徵入爲刑科給事中尋擢禮科右兵科左持節使鄭還禮科都給事中以言事激切忤旨奪俸請急歸省明年起刑科擢太僕寺少卿三月改鴻臚寺卿甲戌擢大理寺少卿踰年擢順天府尹旋以都察院右副都御史巡撫湖廣三載

詔錫贈封如例庚辰內遷戶部右侍郎奉命攝理京營戎政明年轉左侍郎總督倉場疏乞歸省歸二十一年而卒計聞詔賜祭葬贈戶部尚書公少績學攻苦茹澹窮日夜不輟及貴猶然子孫遵用其教皆以節儉世其家生平行事詳公所載歷任錄

祖諱象晉萬曆甲辰進士歷官浙江右布政使贈刑部尚書

公字子進別字康宇司徒公季子也中萬曆甲午舉人甲辰進士授中書舍人癸丑考選同鄉諸公皆欲以臺省處之適太師公方以薊遼總督召爲本兵而

漁洋山人年譜 卷上

四 紅豆齋

故事父兄官內閣及六卿者子弟無得居言路其見居職者例改翰林官故太師欲暫歸爲公地卽來而翰休可得也公力爭不可以私恩宿君命遂平調禮部儀制司主事甲辰移疾里居久之中忌者以京察調外補江西按察司知事未赴遷行人司左司副又遷禮部精膳司員外郎未幾丁內艱服闋補儀制司員外郎扈惠王之國荊州戊辰春報命陞按察司副使備兵淮揚下車摘伏如神十城憚其風采甲戌陞河南按察使經年所部讞決稱平乙亥遷浙江右布政使公爲人寬厚及見義勇決不擇利害爲趨避處

人之難知不及然終不爲異激切之行年七十致仕生平喜澹泊室無勝侍盛暑整衣冠危坐讀書不輟常舉唐柳玘言諫子孫無幹門第務力學爲善故其家代有名人由家法之善有以維持之也

父諱與敕 大清順治元年拔貢累封國子監祭酒贈刑部尚書公四子伯士祿順治壬辰舉禮部乙未進士官吏部考功員外郎仲士禮慶貢監生叔士祐康熙庚戌進士未仕卒山人其季也

方伯公有四子其季爲匡廬公公字欽文性孝謹尤警慧自毀齒就傅所授經書一過輒曉大義數困場

漁洋山人年譜

卷上

五

紅豆齋

屋 世祖皇帝定鼎詔郡邑選貢才充貢太學有司以公名應 詔公以方伯公年老 廷對後不謁還人徑歸謂所親曰吾得以壯年侍老親側躬帛膾洗滌之事遠希萬石家風顧有所未足乎就子舍日夕視寢膳問安否爲憂愉每歲時率子婦奉觴上壽一門五世羅拜庭下方伯公顧之喜則好爲子姓陳述先世隱德遺事觀縷忘倦公退而申繹其說環長幼拱聽方伯公卒哀慕如孺子每歲時伏臘家祭上冢必懷慕盡哀又繪方伯公生平出處事蹟爲圖二十四以示後人蓋其天性愛慕如此少工駢麗之文

晚年猶聞爲之中歲好爲詩輒棄去曰吾偶寫懷抱如絃之有音弦停音寂矣乃欲索之於無有耶每春秋佳日輒置酒邀邑耆舊促席道舊故爲樂又嘗與諸兄弟講集道祖宗勸儉遺事如方伯公當日及公之歿也羣從兄弟行哭失聲悲春皆罷是可以知公之德矣

故明崇禎七年甲戌閏八月二十八日亥時山人生布政贈尚書公官河南按察使尚書公及孫夫人隨侍山人生於官舍故小字豫孫

山人爲方伯公十一孫時六兄西樵年九歲七兄禮

漁洋山人年譜

卷上

六

紅豆齋

吉年八歲十兄東亭年三歲池北偶談云子生甲戌以辛卯中鄉試乙未中會試與候官曹能始_學相去一甲子無不符合

崇禎八年乙亥二歲隨任之杭州

案考功年譜是歲方伯公遷浙江右布政使

崇禎九年丙子三歲

崇禎十年丁丑四歲

崇禎十一年戊寅五歲

是冬左使姚永濟入覲方伯公攝其事姚至京以征解不及額下獄方伯公聞之救守藏吏籍所貯悉輸

之吏辭以考成不便公曰若所言吾豈不知顧姚事

急吾視事日淺卽不及降秩耳姚禍且不測與人同

寮瀕危而坐視吾弗忍也于是擇吏趨解至部驗牒

課如額姚遂得釋案考功年譜方伯公子崇禎十年致政歸此當是九年事

崇禎十二年己卯六歲

崇禎十三年庚辰七歲始入小學

池北偶談云予六七歲始入鄉塾受詩誦至燕燕綠

衣等篇便覺振觸欲涕亦不自知其所以然稍長遂

頗悟興觀羣怨之音

崇禎十四年辛巳八歲

漁洋山人年譜

卷上

七 紅豆齋

山人幼有聖童之目肄業之暇卽私取文選唐詩洛

誦之久之學爲五七字韻語時西樵爲諸生嗜爲詩

見山人詩甚喜取劉瓛陽所編唐詩宿中王孟常

建王昌齡劉昫虛韋應物柳宗元數家詩使手抄之

盛侍御珍示曰先生八歲能詩西樵吏部授以王裴

詩法後三十年書考功年譜後云文章經術兄道兼

師蓋實錄也 是年西樵補諸生

崇禎十五年壬午九歲冬十二月 大清兵至濟南新

城陷

是年禮吉補諸生

崇禎十六年癸未十歲避兵長白山之魯泉

考功年譜云依外家鄉平孫氏長白山錄云魯泉在

望湖頂下林壑清美泉水尤甘

崇禎十七年甲申十一歲卽 世祖皇帝順治元年

時流賊陷京師 王師入關定鼎 國號大清收元

時方伯公以遺老居田間自號明農隱士闔門謝客

親教諸孫頗及聲律之學嘗邀從弟洞庭象飲洞庭

工草聖有張顛之風酒闌諸孫競進乞書方伯公把

酒命對句曰醉愛羲之蹟山人在傍應聲曰狂吟白

也詩二公皆大喜賞以名人書畫謂匡廬公曰此子

漁洋山人年譜

卷上

八 紅豆齋

必蚤成

順治二年乙酉十二歲

倚聲集山人嘗云僕十二歲時題明湖詩有句云楊

柳臨湖水到門全作都不省記漁洋文畧云子髫時

私爲清明憎蚊二賦傳公彤臣見之激賞有過情之

譽 是歲西樵與諸名士爲曉社

順治三年丙戌十三歲高苑賊謝遷寇新城陷之避兵

長白

避地鄒平依張氏時遷聚衆千人連破新城長山諸

縣入淄川據之僭偽號置官屬未幾敗

順治四年丁亥十四歲自長白歸里

是歲西樵食饌于庠

順治五年戊子十五歲夏出應童子試破落

山人自八歲吟詩至是有詩一卷曰落箋堂初蒙西樵序而刻之案倚聲集山人髫時嘗作落葉詩數篇

大爲先輩所賞有句云已共寒江潮上下況逢新燕影參差又云年年搖落吳江思忍向煙波問板橋又有錦秋湖二絕句咏秋仁傑詩一首載見續集中

秋伯兄舉鄉試

考功年譜云君兩應省試以文章見斥更降志揣摩

漁洋山人年譜

卷上

九

紅豆齋

以就程式秋舉于鄉受知給事桐城姚公龍懷文樞

部邢臺李公非熊仲齊東令曲周李公方曼池北

偶談曰姚公關中得西樵卷異之曰他日必爲風雅

名家

順治六年己丑十六歲布政公課諸孫嚴山人與諸兄

讀書家塾

山人兄弟每自家塾歸孫夫人從臆聞履聲輒呼而問之兒輩今日讀何書爲文章當祖父意否命列坐於側予之酒食或讀書塾中夜分不歸則遣小婢賜卮酒餅餌慰勞之率爲常兄弟四人每會食輒談藝

以娛母夫人爲之解顏

頻夢有小鳥五色如鳳皇百十其羣飛遶左右又屢夢人贈古箋喚之有異香人以爲文字之祥

山人少時又嘗夢一丈夫屬對出句云君子有酒言且多山人應聲曰詩人之賦麗以則

順治七年庚寅十七歲再應童子試郡邑提學三試皆第一提學道鍾公性樸大興人明崇禎癸未進士賞其文似戰國策

池北偶談云鍾字文子順治初爲濟南府推官遷本省提學道僉事考功年譜曰是時方伯公年九十無

漁洋山人年譜

卷上

十

紅豆齋

恙君朝夕定省退與諸弟讀書談藝甚樂之

八月元配張夫人歸夫人鄉平人祖延登明萬曆壬辰進士歷官南京都察院右都御史父萬鍾拔貢南渡官

鎮江府推官

是年讀書水月禪寺寺在大明湖東北

順治八年辛卯十八歲應鄉試舉第六名主考戶科左給事中杜公篤祐蒲州人明崇禎丙子舉人歷官都察院左都御史兵部員外郎楊公時薦鉅鹿人順治丙戌進士歷官兵部督捕右侍郎同考夏津知縣夏公人佺壽州人順治己丑進士歷官監察御史初定解元者三

日矣後乃易昌樂滕國相以經同改第六名方伯公舊藏那太僕伺蘭亭亭白鸚鵡賦王維二卷深所寶惜嘗謂諸系有登賢書者當以爲賜戊子長兄報捷得蘭亭卷至是山人得白鸚鵡賦卷

是冬山人與西樵同上公車每停驂輒輒相倡和書之旗亭驛壁王丹麓今世說云新城二王每遇郵亭野店輒題詩壁上詩既驚人使筆斗大龍拿虎攫尤悔菴側道經燕齊見之解鞍造食坐對移晷不能去

順治九年壬辰十九歲會試被落伯兄舉禮部

漁洋山人年譜

卷上

十二

紅豆齋

考功年譜云君受知學士武陵胡公此菴統大名成公青壇克官允陽城喬公白山五會當軸修却武陵信應勸以領主司會元程可則被黜先生及蔣中和戚藩等二十餘人皆停一科

順治十年癸巳二十歲秋八月長子啓瀨生十月布政公考終於里第時嚴寒大雪連旬隨父母諸兄後日夜侍疾

方伯公卒時年九十三鄉人私謚康節先生池北偶談云先祖年九十餘讀書排纂不輟雖盛暑衣冠危坐未嘗見其科跣癸巳歲作自祭文有云不敢喪心

不求滿意能甘澹泊能忍閑氣九十年來於心無愧可借衆而同遊可含笑而長逝蓋實錄云公年雖大臺時時夜夢侍先曾祖司徒府君或跪受撲責知過庭時焉是年有冬夜過傅濟汝詩載蠶尾後集

順治十一年甲午二十一歲叔兄拔貢入國學是年有湖山佳境亭詩載漁洋續集

順治十二年乙未二十二歲山人北上至趙北口有竹枝詞十首一云柳枝詞其一又一首云金粉初勻柳萬條樂遊原下春春鎖銷魂橋上銷魂樹不待飛花魂亦銷後丙午年過此有詩云六載隋堤送客驛樹猶如此我何堪銷魂橋上重相見一樹依依似漢南蓋自揚州司李崔影禮部入

漁洋山人年譜

卷上

十三

紅豆齋

都道中是年西樵以殿試與山人同上公車東亭亦以太學生廷試入都始與海內聞人綽約論交時號三王許南仲廣說鈴云子同年王子側居西樵公偕子側游茗雲山水間子側詩援筆輒成多見譽於先布子側才何嘗言作蜂腰哉人以為知言會試中式第五十六名未殿試而歸五月抵里

角巾錄曰先方伯公有知人之鑒年九十餘聰明不衰嘗語祭酒公曰汝諸子皆佳將來成進士者三人某某是也幼者尤早達既而先西樵兄以順治壬辰某以順治乙未先東亭兄以康熙庚戌相繼成進士

而某得雋尤早異哉

主考大學士金公之後吳江人明萬曆己未進士內閣學士胡公兆龍山陰人順治丙戌進士歷官吏部右侍郎同考翰林編脩陳公彩廣東順德人壬辰進士歷官江南常鎮道叅政

順治十三年丙申二十三歲

春與邑高士徐夜東癡同游長白山凡柳菴上書堂

醴泉寺諸勝皆至焉刻長白遊詩一卷東癡爲季木

先生外孫順治癸巳年山人始與定交嘗贈句云湘

東品第畱金管江左風流續玉臺每雪後與東癡必

漁洋山人年譜

卷上

三

紅豆齋

有倡和之作至數十首

四月省伯兄於東萊

考功年譜云順治十二年君就殿試君既風神王立

又夙工歐陽書盛有文名於時時謂非館閣不足以

辱君既而前政尚以武陵之故易置未甲及館選復

不得與遂投牒吏部乞改教職九月歸里十二月赴

萊州府學教授

觀海於蠡勾亭五日遊龍溪遊亞祿山林氏園觀窟室

畫松皆有詩詩集編年始此

山人自乙未五月買舟歸里始棄帖括專攻詩聚漢

魏六朝四唐宋元諸集無不窺其堂與而識其大凡

故詩漸自丙申始歲時吳君寶星先生論詩要在

神韻畫家逸品居神品之上雖詩亦然司空表聖論

詩云梅止於酸鹽止於鹹飲食不可無酸鹹而其美

常在酸鹹之外余嘗深言其言酸鹹之外何味外味

味外味者何神韻也詩得古人之神韻卽昌谷所云

骨重神寒詩品之貴莫踰於此矣

五月第二子濟海生

順治十四年丁酉二十四歲八月遊歷下集諸名士於

明湖舉秋柳社

漁洋山人年譜

卷上

四

紅豆齋

二東名士如東武邱海石石清源柳公薩任城楊

聖宜通兄弟聖喻通唐聖企通益通都通孫仲孺寶輩咸集

賦秋柳詩四章詩傳四方和者數百人

南城陳伯璣評云元倡如初寫黃庭恰到好處諸名

士和作皆不能及汪鈍菴云嚴給事九稱東風作絮

慘春衣一首如朝鴻關笛易引羈愁讀之良然某根

堂詩集序云順治丁酉秋予客濟南時正秋賦諸名

士雲集明湖一日會飲水即亭亭下楊柳十餘株披

拂木際綽約近人葉始微黃乍染秋色若有搖落之

態予悵然有感賦詩四章一時和者數十人又三年

予至廣陵則四詩流傳已久大江南北和者益衆於是秋柳詩爲藝苑口實矣

順治十五年戊戌二十五歲赴 殿試居二甲館選不得與故事進士二甲前列授部主事是科以給事中言改外任二甲前十十人爲知州餘及三甲如千人以前爲推官餘皆知縣庶吉士外無京職自是科始館選罷不得歸觀政兵部謁楊忠愍公諡忠愍祠有詩夏秋與長洲汪琬茗文南海程可則周量以詩相倡和

山人居慈仁寺嘗寓書西樵時在東華云長夏儼居慈仁

日坐臥雙松下涼風時至爽沁肌骨一二友人來就

漁洋山人年譜

卷上

圭

紅豆齋

語亦不復命中轍日夕竟去都忘時世周旋汪鈍菴

說鈴云王十一在京師將遷寓慈仁寺予往阻之曰

子寓慈仁不得不賦雙松詩恐損予名王傲然曰寓

不可不移詩耶可便作案王集中載報國寺雙松歌

一首贈許天玉蓋是歲移寓後作也歌詞雄偉沉麗

與題頗相稱王旣爲此言而後竟爾操筆才人固

是難量

九月歸里

順治十六年己亥二十六歲謁選得江南揚州府推官是年居京師久與汪程泊潁川劉體仁公職鄆陵樂熙

曰緝崑山葉方藹予吉海鹽彭孫適駿孫倡和最多

是冬山人與西樵及羨門倡和香齋體詩刻彭王倡

和集說鈴云二王好香齋詩倡和至數十首劉公勇

寓書於予問訊博士曰王六不致墮落冬郎雲霧否

此雖慧業然併此不作可也案博士香齋詩自序云

情至之語風雅掃地然不過使我予宣尼廡下俎豆

無分耳蓋其託興如此董文友以嘗以此語問鄭程

邨諡程程邨笑曰待歐陽公罷祀時邨時再理會

六合李敬聖一武進董文驥王虬亦來會合肥龔端毅

公芝麓以前左都御史謫國子助教合諸詞人祖席賦

漁洋山人年譜

卷上

圭

紅豆齋

詩聯爲巨軸是冬伯兄自萊州府教授內遷國子助教

在京師

考功年譜云秋八月遷國子助教便道省覲於家十

一月同禮吉赴京師

六月祈籤正陽門關壯繆祠云今君庚甲未亨通且向

江頭作釣翁玉免重生應發跡萬人頭上逞英雄明年

庚子至揚州居五年甲辰內遷至庚申閏八月拜國子

監祭酒庚申江頭玉免重生之語皆驗

池北偶談載此事云所謂庚申蓋合始終而言之楊

邵潁江故曰江頭也至庚申年八月置閏而予以崇

順甲戌生實在閏八月過閏中秋四開月遂蒙

聖恩擢拜大司成於是乃悟玉兔重生之義

順治十七年庚子二十七歲赴揚州匡廬公就養偕行

三月到官

山人赴廣陵時孫夫人送之灑上曰汝少年爲法吏

吾懼之然揚故爾祖舊游地也崇禎間康字公曾其任揚州兵備副使

務盡職守以嗣前烈山人受教而行

八月充江南鄉試同考試官

王丹麓今世說云阮亭爲同考至白門夜鼓柁行大

江中漏下將盡始抵燕子磯王興發欲登會天雨新

漁洋山人年譜

卷上

十七

紅豆齋

霽林木蕭颯江濤噴湧與山谷相應客從者顧視色

動王徑呼束苴以往題數詩於石壁從容履步而還

翼日詩傳白下和者凡數十家

分較易二房得盛符升郭士琦王立極吳之頤王朱玉

孫謙朱廷獻謝廷爵崔華黃裳等九人九月病歸揚州

山人在關中得疾危甚東亭聞之兼程至揚州爲治

藥裹三閱月始痊有韓提軒病中漫興詩病客秋善歸來臥

茅屋東應蔭叢桂西應羅綺竹露檻簪孤鶴風種散

疎菊以此澹漠心聊取媚幽獨鴻鵠薄天游麋鹿樂

應谷山人嘗以是詩示汪鈍菴曰此當不減韋左司

汪笑曰露檻簪孤鶴風種散疎菊已微類柳柳州矣

蓋山人論詩有云解識無聲絃拈妙柳州那得並蘇州故鈍菴云耳

冬至常州登京口三山有過江集

十一月山人病初起有事南蘭陵與京口別駕程崑

崙康同游金焦北固及鶴林招隱竹林寺海嶽菴諸

名勝得遊記六題名七古近體四十編爲一集張吏

部公選九徵序云筆墨之外自具性情登覽之餘別深

懷抱時以爲名言

順治十八年辛丑二十八歲在揚州

舊例府僚迎春瓊花觀以妓騎而導與太守節推各

四人同知已下二人既竣事歸而宴飲仍令歌以侑

酒府吏因緣爲奸利山人深惡之語太守一切罷去

漁洋山人年譜

卷上

十六

紅豆齋

揚人一時誦美之

春至蘇州過無錫登惠山歸復有事於江寧有白門集

入吳集歲暮懷人絕句始自號漁洋山人是年戶部侍

郎葉成格刑部侍郎尼滿駐江寧諫海寇陷宣城金壇

儀真諸大案羅織問官監司已下死者甚衆山人所獻

皆於良善力爲保全奸宄幸置反坐而獨獲無咎有天

幸焉

先是海寇犯江上宣城金壇儀真諸邑有潛謀通賊

者朝命大臣讞其獄辭所連及繫者甚衆監司以

下承問稍不稱指皆坐故縱抵罪山人案獄乃理其

正月有事吳郡看梅元墓宿聖恩寺望太湖漁洋湖中

小山也一峯正當寺門愛其秀峙無所附麗取以自號

是春以例往松江謁直指次蕺墅聞鄧尉梅花盛開

遂輕舟入太湖口自光福元墓畱聖恩寺四宜堂信

宿而返舟泊楓橋過寒山寺夜已睡黑風雨雜還山

人攝衣著屐列炬登岸徑上寺門題詩一絕而去一

時以爲狂詩載辛丑稿是役也發朱方云雲陽抵吳閶歸

經伯鸞之溪賦詩共六十餘篇爲人吳集

漁洋山人年譜

卷上

充

紅豆齋

三月有事金陵居秦淮邀笛步賦秦淮雜詩

山人至金陵館於布衣丁繼之家丁故居秦淮距邇

笛不數日山人往來賦詩其間丁年七十有八爲人

小習聲伎與歙縣潘景升福清林茂之遊最稔數出

入南曲中及見馬湘蘭沙苑在之屬因爲山人縷述

曲中遺事娓娓不倦山人輒撫掌稱善掇拾其語入

秦淮雜詩中詩益流麗隄隄側可詠可誦又屬妍手畫

清溪遺事 一冊陽羨陳其年綸爲題詩山人復成小

詞八闋摹畫坊曲瑣事盡態極妍諸名士和者甚衆

句讞事畢輒肩輿往烏龍潭靈谷瓦官諸寺城隍廟

座長于諸古剎探幽訪古而公事未嘗廢也吳祭酒

梅邨嘗以山人擬劉穆之 秋七月泊舟海陵取徐

通功高蘇門集評次錄爲一通康熙己卯刻於京

師又嘗摘取唐律絕句五七言若干卷授嗣君清遠

兄弟讀之名爲神韻集今廢所刻止七律一卷并全書也是月與全

椒吳玉隨客儀直有變江倡和集館人南所秋輒寒

京師之遊。所歷山川。言急。而興之樂。益。而感。遂。而。望。以。將。悉。望。行。雲。而。滯。楚。大。夫。心。傷。搖。落。臨。水。豈。

之桃葉韞逢螢苑人稀河陰之楊花又落無城斜日

而秋士于以盛興者也又尤士馬頭方山亭下典

年之遠跡不見人業之繁華愈烈前無勝地之悲豈
乏吟之侶乃者崑山張文歷平糶二龍名流生射雉

洋山人年譜 卷上 二十 紅豆齋

夏羣賢而早識其胡之譽既已牙期同調乘之孔李通

部俱成裂素題傑千人自廢州不名士尤江倒薤之

附見凡十一則爲鑿江倡和集則亦猶溫李之漢上

陵云閣

禮記書常熟錢公牧齋贈五言古詩有勿以獨角

儼彼萬牛毛之石
方正學語也
又序其漁洋山人

有與君代興之語

魚子亭雜錄云子初以詩贊於虞山錢先生明年二

十有八先生一見欣然爲序之又贈長句采其詩入

所撰吾多集所以題拂而揚諱之者無所不至今將

五十年回思往事真生平第一知已也

冬赴淮安饒社湖州中作歲暮懷人絕句六十首丙夜而畢紙盡取案牘尾書之

〔說鈴云〕歲暮懷人詩詞百清麗間出奇峭語茶邨杜處士語人曰使君才藻如許當是天人居易錄云詩

中所及大半布衣也

今上改元康熙元年壬寅二十九歲在揚州正月第三

子啓訪生

是春盛珍示侍御集丙申以來至辛丑紀年之作錄

之異下此山人專集之始也 三月西樵遷吏部考

漁洋山人年譜

卷上

三

紅豆齋

功司主事

母孫夫人就養至揚案考功年譜太夫人五月至揚州

山人居官公正嚴肅不畏強禦每疑讞重獄據案立

決牘無留滯時失出法嚴一事被部駁輟至鐫級孫

夫人因謂山人曰人命至重汝但存心公恕升沉非

所計也山人奉命多所平反

是歲有事江陰登君山歸過丹陽登觀音山臨曲阿後

湖皆有詩刻壬寅集於金陵其春與袁于令釋菴諸名

士杜于皇濟邱季貞象隨蔣金山階朱秋厓克生張修山陽養重劉玉少梁嵩陳伯幾允衡陳其年維崧

禊紅橋有紅橋倡和集

山人作統溪紗三閨所謂綠楊城郭是揚州是和

者自茶邨而下數君江南北頗流傳之或有繪爲圖

畫者于是過揚州者多問紅橋矣山人紅橋遊記云

淮折而北陂岸起伏多態竹木蒼鬱清流映帶人家

多因水爲欄亭榭溪塘幽窈而明瑟頗盡四時之美

擊小艇循河西北行林木盡處有橋宛然如垂虹下

飲于酒又如麗人觀粧花服流照明鏡中所謂紅橋

者也邨人呼爲山堂幸至法海寺拾舟而陸徑必出

紅橋下橋四面皆人家荷塘六七月間荷香作花香

聞數里青簾白舫絡繹如織長洲遊樂處尤多數往來

北郭必過紅橋顧而樂之登橋四望忽復徘徊感嘆

當哀樂之交乘于中往往不能自喻且復徘徊感嘆

之語景晏牛山之悲今之視昔亦有然耶壬寅季夏

之望與繆荃孫茶邨伯幾諸子偶然漾舟清湖興極援

筆成小詞二意諸子倚而和之繆荃孫繼成一章予亦

屬和嗟乎絲竹陶寫何必中年山水清音自成佳話

予與諸子聚散不恆良會未易遇而紅橋之名或反

漁洋山人年譜

卷上

三

紅豆齋

因諸子而得傳于後世增懷百憑吊者之徘徊感嘆如予今日未可知也爲之記云

南城陳伯幾允衡刻世父侍御公諱與允隴首集於詩

懸選中合孫公傳庭袁公繼成黃公端伯爲四家皆明

末殉節者也

池北偶談云伯父侍御百斯公登崇禎元年戊辰進

士入翰林改御史甲申公家食六年矣聞三月十九

之變同妻子盡節於几案間得手書一紙云京師卒

破聖主殉社稷予聞之雪涕沾衣不及攀龍而殉命

遂偕妻于氏子士和併命寢室命也奈何葬從薄從

速隨時也公清介忠信言笑不苟鬚眉若神葬日會